

UKIUMOORTUMIK NALUNAAARUT 2023



Nunatta Atuagaateqarfia

IMARISAI

SIULEQUT.....	3
INGERLATSINEQ.....	4
AAQQUSSUUSSAANERMIK.....	6
INERIARTORTITSINEQ.....	6
SULIANUT KISITSISIT.....	8
TEAM SERVICE.....	9
TEAM	
OPLEVELSER.....	10
TEAM NUNARPUT.....	14
TEAM GROENLANDICA.....	17
TEAM GROENLANDICA.....	19

SIULEQUT

Ukioq 2024 Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfianiit nalilernerqarpoq Nunatta Atuagaateqarfiata pisussaaffiginngikkaa sinerissami atuagaateqarfiit atukkiussassaataannik atortissimasaasalu amerlassusaannik kisitsisinngorlugit piniartarnej. Taamaattumik 2023-mi Nunatta Atuagaateqarfianut tunngasuinarmik ukiumut nalunaarusiortoqarpoq.

Atuakkanik atorniartarnej ataatsimut isigalugu suli nunarsuarmi allanisulli appariartorsinnartoq kisitsisit takutippaat. Covid-19-ip nalaani atuakkat qarasaasiarmiut eReolenimeersut atorniarnejartarnerat qaffassimavoq. 2023-mili kisitsisit apparialaarsimapput taamaattorli Filmstribenikkut filmit atorneqarsimasut qaffariangaatsiarsimallutik.

Nunatta Atuagaateqarfiata nunatsinni innuttaasunut tamanut eReolenimi aamma Filmstribenimi akeqanngitsumik atorniarinnaaneq periarfissarititani akilersugarivaa.

Atukkiussassanik atorniartarnej kisitsisitigut appariarsimagaluartoq taamaattoq Nunatta Atuagaateqarfianut isertartunit internetimik WIFI-millu atuisartunit, aviisinik atuagassianillu atuariartortartunit, aaqqissuussanut peqataajartortartunit orniarneqarluartarpoq sulilu naapittarfittut atorluarneqartarpoq. Isertorisartakkat amerleriarujussuarsimapput.

INGERLATSINEQ

Suliniutit nutaat

Kalaallit Nunaata oqaluttuarisaanerani Nunatta Atuagaateqarfia siullersaalluni tamanit orniguffigineqarsinnaasumi nalequttanik tamponinillu akeqangngitsunik neqerooruteqalerpoq.

Covid-19

Ukioq 2023 Coronamik killilersuinertaqangngitsumik, 2022 aamma 2021 assigalugit, aallartippoq.

Ammasarfiit

Nunatta Atuagaateqarfia ataasinngornermiit tallimangornermut nal. 12-18 ammasarpoq. Pingasunngorneq nal. 10-16 aamma arfininngorneq nal. 11-14.

Aasaanerani ammasarfiit, piffissami juunip 19-anniit aggustip 31-ata tungaanut: ataasinngornermiit tallimangornermut nal. 13-17.

Pingasunngorneq nal. 10-16. Arfininngorneq sapaallu matoqqasarpoq.

Ammasarfiit nalinginnaasut saniatigut assigiinngitsunik aqqissuussisoqarnerani ammatinneqartarpoq.

Nuuk Nordisk Kulturugertitsisoqarneranut atatillugu assigiinngitsunik aqqissuisoqarnera pissutigalugu atuagaateqarfik arfininngornermi oktobarip 27-anni matoqqatinneqarpoq.

Sulisut ulluannut atatillugu ukiumut ullut pingasut aalajangersimasut matoqqatinneqartarpoq.

Nunatta Atuagaateqarfia aamma Groenlandica ulluni ukunani januaarip 25-anni aamma februaarip 28-anni anorersuarnissaanik aarlerisaarisooqarnera pinngutigalugu matoqqapput. Sulisut ilaat piffissap ilaani angerlarsimallutik sulipput.

Sulisut sammisaqaqatigiinnissaat pissutigalugu tallimangornermi decembarip 5-anni 2023-mi nal. 15 matuvoq.

Gronlandicap matoqqaneri:

Sila pissutigalugu februaarip 28-anni aamma decembarip 11-anni matoqqavoq.

Sulisunik ulloqartitsineq pissutigalugu oktobarip 27-anni matoqqavoq.

Aasaanerani juulip 3-annit aggustip 25-annut matoqqavoq.



ANINGAASALIISUTIT ANINGAASAQARNERLU

Nunatta Atuagaateqarfianut 16.046 mio. kr.-t aningaasaliissutaapput.

	2021	2022	2023
Aningaasaliissutit	15.680	15.821	16.046
Atuineq	15.284	15.821	16.285

2023-mi aningaasartuutit isertitalu ima agguataagaapput:

Aningaasartuutit agguataarnerat (Atuineq 1000 kr.-nngorlugit)		
	2023	%
1. Akissarsiat	8.350	52
2. Nioqqutissanik pisineq	3.569	22
3. Sullissineq	4.127	26



SULISUT

Nunatta Atuagaateqarfiata sulisui, Groenlandicami sulisut ilanngullugit, assigiinngitsunik suliaqarlutillu suliainni atuuffeqarput. Tamakerlutik Nunatta Atuagaateqarfiata ilisimasati-

gut kulturikkullu ulluinnarni qaammarsaanermik suliaqarnerannillu ikorfartuisuupput. Nunatta Atuagaateqarfiani sulisut katillutik 22-upput.

Tulliuttut tassaapput Nunatta Atuagaateqarfiani sulisutut atuuffiit assigiinngitsut assersuutaat:

- Atuagaateqarfimmi pisortaq
- Atuagaateqarfimmi siunnersorti
- Suleqatigiinnut aqutsisut
- Bibliotekarit atuagaatilerisut
- Atuakkanik atorniartarfimmi ikiortit
- Misigisassanik pilersitsisartaq
- Attaveqatigiinnermi suliaqartaq
- Allaffeqarfimmi aqutsisoq
- Allaffimmi fuldmægtigi
- Overassistenti
- TNI-mi ilinniartaq
- Århus Universitetimit suliffimmik misiliisoq
- Inuussutissarsiornermi suliffimmik misiliisoq Nuummeersoq

AAQISSUUSSAANERMIK INERIARTORTITSINEQ

Nunatta Atuagaateqarfia tamanut tikilluaqqusisoq, atuisunik peqataatitsisoq aamma inunnik apeqqarinnerulersitserusuttoq, atuarusulersitsisoq kulturimillu paasisimasaqarnerulersitsisoq.

Anguniagassatut takorluugaq 2021 - 2024



Nunarsuarmi anguniakkat 17-it ilai malillugit nr. 3 (Peqqissuseq atugarissaarnerlu) aammalu nr. 4) Ilinniartitaaneq pitsaassusilik), qitiutinneqartussatut toqqarneqarput.

Sulisut ullui

Marsi

Sulisut ulluat marsip 25-anni qarasaasialerinemik pikkorissarneq Word aamma mailhåndtering Outlook ingerlanneqarpoq.

Oktobari

Sulisut ulluat oktobarip 28-anni sulisut eqimattanut marlunnut avipput, eqimattani oqaloqatigiissutigineqarpoq suliffeqarpiup pingaartitai 8-t apeqqut ”qanoq pingaartitat paasivigit?” eqqartorneqarluni.

Pikkorissarnerit isumasioqatigiinnerillu

- Nunatta Atugaateqarfiani pisortaq Groenlandicami suleqatigiinnut aqutsisoq Groenlandicamilu atuagaatilerisoq Bibliotekspolitiske Topmøde 2023. Angalanerminnut atatillugu Systematicikkut, Inleadikkut, Bibliothecakkut BibMediakkullu ataatsimeeqatigivaat.
- Attaveqaatitigut sinerissami atuakkanik atorni-artarfinni sulisut pikkorissartinneqarput.
- Team Nunarpumi sulisoq Nordisk Børnebogs-konferencemut peqataajartorpoq kingornalu aaqqiagiinnginnermut tunngasumik pikkorissarluni.
- Kontorfuldmægtige allaffimmi aqutsisut ataatsimiinnerannut peqataavoq.
- Nunatta Atugaateqarfiani pisortaq Mediatoritut ilinniarpoq.

qanga inuuneq”, Aggooraq Lyngø aamma Nikolaj Heinrich qanga pisartunik quianartunik oqaluttu-artinneqarlutik. Aaqqissuussaq ornigarneqarluarpoq.

Ullormi tassani KNR-Radiop aallakaatittagaani Nunatta Nipaani pisussaq pillugu Nunatta Atuagaateqarfia apersorneqarpoq.

Malunnartitsinermut orniguttoqarluarpoq. Malunnartitsinermut atatillugu Moses Olsenip pania ikinngutaalu KNR-TV-p aallakaatittagaani Illermi oktobarip 24-anni apersorneqarput.

Oktobarip 25-anni KNR-Radiop ullaakkut aallakaatittagaani Nunatta Nipaani Moses Olsenip panii apersorneqarput.

Moses Olsenip malunnartinneqarneranut atasumik Sermitsiaq/AG allaatigisaqarpoq.

Inoqatinut attaveqaatit

Ukiumi 2023-mi Nunatta Atuagaateqarfia Facebookikkut 78-inik ikkussisimavoq:

- toqqaannartumik aallakaatitsinerit 3-t
- atuakkanik takooqusaarusiat 38-t
- aaqqissuussat 18-it
- atuisunut nalunaarutit 14-it
- saqqummersitsinerit 5-it

Nunatta Atuagaateqarfiata ukiumoortumik atuakkiortumik malunnartitsisarnera 2023-mi oktobarip 25-anni ingerlanneqarpoq.

Malunnartinneqarluni 85-inik ukioqalersussaagaluartoq taallioortoq politikeri Moses Olsen (1938-2008). Moses Olsenimut kinguaajusut, ikinngutaasut suleqatigisimasaalu Moses Olsen pillugu saqqummiussipput. Taalliaaniq atuaasoqarpoq taalliaaniillu erinartalinnik nipilersorluni akunniliisoqartarluni.

Nunatta Atuagaateqarfiata Facebookikkut quppernera decembarip 31-anni 2023-mi 3.300-nik malinnaasoqalersimavoq. Ukiup aallartinneraniit malinnaasut 2.000-inik amerleriarsimapput.

TAKOQQUSAARUTIT

AVIISIT

AMERLASSUSIAT

Sermitsiaq	2
AG	2
Suluk	2
Nuuk Ugeavis	25
Arnanut	2
Facebookikkut	13

Paasissutissiisarneq PR & qaammarsaaneq Tusagassiutit

Ilitsoqqussaralugu oqaatsit ulluanni februaarip 21-anni pisumi Nunatta Atuagaateqarfiata aaqqissuussaani kalaallisut oqaatsit atorlugit ingerlanneqartumi Team Nunarput ingerlatsisuuvoq.

Aaqqissuussaq qulequtaqartinneqarpoq ”Nunatsinni

SULIANUT KISITSISIT

Uani atugassatut pigisat atukkiussassallu kisitsisai takuneqarsinnaapput.

	2021	2022	2023
Atugassatut pigisat	56.942	59.259	56.561
Atukkiussat	16.344	13.805	13.354
eReolenikkut atukkiussat	5.891	6.374	4.528
Atukkiussat katillugit		(13.805 + 6.374) =	20.179

Pigisat: 56.561-it. Taakkunannga kalaallisut allassimasut pigisat: 20.116-it. Kalaallisut atuakkt 905-inik ukiup siulianut sanilliullugit ikileriarsimapput.

Atukkiussat: 13.354-it. Taakkunannga kalaallisut allassimasunit atukkiussat: 1.994-it. Atuakkt kalaallisuut atukkiunneqarsimasut 21-nik ikileriarsimapput.

@Reolen



Nunatta Atuagaateqarfia atuakkanik qarasaasiarmiunik, naalaagassianik filminillu isissutissanik Kalaallit Nunaat tamakkerlugu periarfissiivoq.

2023-mi eReolenimi atukkiussat

	2022	2023
Atuakkt qarasaasiarmiut	1.605	1.622
Atuakkt naalaagassiat	3160	2.778
aallakaatitassiat Podcastit	133	128
Katillugit:	4.528	

2023-mi filmstribenimi atukkiussat

	2022	2023
Filmit atukkiussat	1.605	2.192
Katillugit:		2.192

eReolen

Atukkiussat qarasaasiarmiut: 1.622-t, taakkunannga inersimasunut: 1.113-it, meeqqanut: 465-it.

Atukkiussat naalaagassiat: 3.160-it, taakkunannga inersimasunut: 2.105-it, meeqqanut: 945-t.

Atukkiussat aallakaatitassiat podcastit: 128-t taakkunannga inersimasunut: 110-t, meeqqanut: 6-it eReolenimi atukkiussanut aningaasartuutit:

46.226,65 kr.

(eReolen Globalimut tunngasunik kisitsisaateqanngilagut).

Filmstriben

Filmit atukkiussat: 2.192-it (2022-mi 1.605-it)

Filmstribenimi atukkiussanut aningaasartuutit:

31.725 kr. (2022-mi 27.594-it)

TEAM SERVICE

2022-mi aallartilluta ukiumut nalunaarusiamut qasseriartuluta iseqqusaajunnaarsitsisimanerluta qasseriartulalu MATU-Securitysimut ikiortissarsiorsimanerluta ilannguttalerparput.

Saaffiginnittarfimmi sulisut, atuagaatilerisut meeqqanut inersimasunullu atorniartarfimmiittut pingasut tamarmik kalerrisaarummik ujameqartarput kiisalu nerriviup ataani attataasamik suleqatinut ikiortissarsiornissamut kalerrisaaruteqarlutik.

2022-mi sulisut akornanni aamma vagteqarluni sullissinermi misigisartakkanut tunngasunut immikkut nalunaarsuiffeqalerpoq. Vagtit

nalunaarsuutininut allataat ataatsimiinnerni eqqartorneqartarput.

Nunatta Atuagaateqarfiani sulisut MATU-Securityssimut ikiortissarsiorlutik ukioq 2023 56-eriarlutik saaffiginnissimapput. Saaffiginnissutaasimapput atuisut sinittut, aalakoortut kiisalu siorasaarisutut pissusilersortut. 7-t piffissami aalajangersimasumi iseqqusaajunnaarsikkallarneqarsimapput.

Ammanerup avataatigut meeqquerivinnik atuartunillu 2023-mi sullissineq


Meeqquerivik Esther: 1

Meeqquerivik Mikisoq: 5

Isertorisimasat amerlassusiat

2023-mi kisitsisit ataatsimut isigalugit katillugit 46.413-it isersimapput.

Januaari	1546
Februaari	1968
Marsi	4523
Aprili	4425
Maaji	5645
Juuni	9006
Juuli	5301
Auggusti	3365
Septembari	2727
Oktobari	2897
Novembari	1495
Decembari	3515



TEAM OPLEVELSER

Nalinginnaasut

Coronamik nunarsuaq tamakkerlugu tunillaas-suuttoqarnera pissutigalugu ukiut marluk unin-gareerluni Nunatta Atuagaateqarfiani kiisami unnuk kulturisiorititsisoqarpoq. Lana Hansen meeqqanut workshopertitsisussatut qaaqquni-kuuarput kiisalu Ivaana Isua Bandilu kingusin-nerusukkut pulaartunit nuannarineqarlutillu qiimmatsaatigineqarlutik tusarnaartitsipput.

Ukiup sinnerani meeqqanut inersimasunullu aaqqissuussinerit assigiinngitsut aaqqis-suunneqarput. Suleqatigiit Nunarput Sule-qatigiit Misigisassarsiorititsisut ikiortigalugit nunarsuaq tamakkerlugu anaanat ulluanni Ingassautdl' aaqqissuuppaat. Aaqqissuussa-q tamanit nuannarineqarnerpaavoq. Tassani utoqqaat oqaasii inuusuttunit isumassarsiorfi-gineqarsinnaasut qitiutinneqarput, qangaane-rusoq oqaluttuarternermi qanoq oqaasiliori-aaseqartoqartarsimanersoq sammineqarluni. Meeqqanut aaqqissuussinerimi påskimi qiortaatsivugut, atuffassilluta workshopertit-sillutalu. Tamarmik ornigarneqarluarput nuannarineqarlutillu.

Filmit pitsaanerpaat akornanni arlaleriarluni Oscarinnaffiusimanera pissutigalugu filmi Everything, Everywhere, All at Once filmstri-ben.dk-meersoq isiginnaartipparput.

Ukiami Suleqatigiit Misigisassarsiorititsisut Ivalu Barlach Christensen qaaqqaat ul-loriarsiornermillu ilisimatusarnera pillugu saqqummiitillugu. Meeqqanut inersimasunullu pingasoriarluni aaqqissuussisoqarpoq. Kalaallit oqaluttuatoqaat ullorissallu qitiutillugit kalaallisut saqqummiivoq, meeqqanut ullut

2023-mi aaqqissuussat

Januaari	Nunatta Atuagaateqarfiani Unnuk Kulturisi-orneq. - Lana Hansen meeqqanut workshoper-titsivoq taallugu Assigiippugut, - Ivaana tusarnaartitsivoq, - Isua Band tusarnaartitsivoq.
Februaari	Nunarsuaq tamakkerlugu anaanat ulluan-ni februaarip 21-anni 2023-mi Suleqatigiit Nunarput-mit Ingassautdl' aaqqissuunne-qarpoq.
Marsi	Filmimik filmstriben.dk-meersumik Every-thing, Everywhere, All at Once-mik marsip 22-anni 2023-mi isiginnaartitsineq.
Aprili	Apriliip 1-ani 2023-mi qiortaatsineq.
Maaji	Maajip 25-annit 28-annut 2023-mi Nunatta Atuagaateqarfiani Nuuk Nordisk Kulturfesti-valertitsineq. Maajip 25-at 2023 - Paninnguaq Pikilak meeqqanut atuffas-sivoq, - Fotobogen Som Kollektivt Familienal-bum pillugu Inuuteq Storchimik oqaloqa-teqarneq, Laura Lennert ataqatigiissaari suliuullugu, Maajip 26-at 2023 - Kulturikkut silaqassuseq (Kulturel intelli-gens) Wilbur Sargunaraj peqatigalugu. Maajip 27-at 2023 - Atuakkat assiliartallit ataatsimoortik-kaangatigut (Når Billedbøger Forener Os) pillugu Paninnguaq Pikilak-mik aamma Naja Rosing-Asvidimik oqaloqateqarneq, - Sooq sapangaqqerineq pingaaruteqarpa (Why Beading Matters) pillugu Bead'n'-Butterimik (Jessie Prudenimik) oqaloqate-qarneq. Maajip 28-at 2023 - Bead'n'Butter (Jessie Pruden) peqati-galugu sapakkanik iverusiormermik worksho-pertitsisoqarpoq.
Septem- bari	- Kalaallit oqaluttuatoqaat aamma ulloriar-siorneq, Ivalu Barlach Christensen sep-tembarip 14-at 2023. - Ulloq ataaseq ulloriarsiuunngorit, Ivalu Bar-lach Christensen septembarip 16-at 2023. - Molekylit sakkutut – pujumit ullorissanut, Ivalu Barlach Christensen septembarip 21-at 2023.
Oktobari	Nunatta Atuagaateqarfiata ukiumoortu-mik atuakkiortumik malunnartitsinerani Suleqatigiit Nunarput aaqqissuisoralugu oktobarip 25-anni 2023-mi Moses Olsen malunnartinneqarpoq.
Novembari	Novembarip 25-anni juullimut qiortaatsi-sineq.

ilaanni ulloriarsiuunngoratarsinnaasunut workshopertitsilluni naggataatigullu ulloriarsionermut tunngasumik ilisimatusarnerminik molekyllilu sakkutut atorneqartarneri pillugit oqalugiarluni. Taakku tamarmik pingasut nuannarineqarlutik ornigarneqarluarput.

2023-mi suussutsinik assigiinngitsunik 13-inik avataaniit saaffiginnissutinik tigusaqarnikuuvgut. Sulisunik amigaateqarneq, piffissaqasuseq kiisalu qanga saaffiginnittoqarsimarnersoq sulisunilu pissutsit pissutigalugit saaffiginnissutit marluinnaat tigusinnaasimavagut. Taakku marluk saqqummersitsinerupput, saqqummersitsiviusumi meeqqanullu atuagaateqarfimmi.

Decembarip aallaqqaataani Suleqatigiit Misi-gisassarsiortitsisut sammisassaqaartitsisumik nutaamik sulisoqalerput.

2023-mi saqqummersitsinerit

- Marsi Klassit saqqummersitsinerat seminariami ilinniartut inaarutaasumik misilitsinnerannut atasoq
- Maaji Meeqqanut atuagaateqarfimmi Nuuk Nordisk Kulturfestival 2023-mut atatillugu Naja Rosing-Asvidip Aqipimik saqqummersitsinera Inuuteq Storch Necromancerimik taallugu saqqummersitsisarfimmi assilisaminik saqqummersitsivoq.
- Aggusti Meeqqanut atuagaateqarfimmi Ilinniartitaanermik Aqutsisoqarfiup pimmatiginnittarnermik akiuiniarnermik ilaattut neriuunneq, toqqis-sisimaneq peqatigiinnerlu sammi-vaat.



Nunatta Atuagaateqarfiani Nuuk Nordisk Kulturfestivalertoqarnera

Nuuk Nordisk Kulturfestivalip programmiani Nunatta Atuagaateqarfia ilaaqqippoq. Ukioq manna sammisaq tassaavoq Unity. Tamatigoortumik programmeqarpugut. Saqqummiisoqarami, saqqummersitsisoqarami workshopertoqaramilu programmi pikkunarpoq soqutigineqarlualunilu.

Sammissaq aallaavigalugu Nunatta Atuagaateqarfiata qanoq atuagaateqarfik programmimut tapersiilluni atuakkialerinerup akuliutsinnisaanik isumassarsiaminik pilersitsisimavoq, aamma Nuummi innuttaasunut atuagaateqarfimillu atuisartunut iluaqutaasumik pissanganartumik oqaloqatigiittoqarpoq. Suleqatigiit Misigisassarsior-titsisut Inuuteq Storchimik, Jessie Prudenimik Bead'n'Butterimeersumik, Paninnguaq Pikilak-mik aamma Naja Rosing-Asvidimik ukiumi tassani sammisamut Unitymut ikorfartuutaasunik qaaqqu-sipput. Kinguaariit akimorlugit meeqqanut atuakkanik assiliartalinnik aamma killingit akimorlugit kulturinik ataatsimoortitsinernik aamma sammisat suussusii akimorlugit atuagaateqarfimmi atuakkanik assiliartalinnik ilallugit assilissanik saqqummersitsinerit.

Nuuk Nordisk Kulturfestivalertitsinissaq ukiak-kut pinnani siuartinneqarluni upernaakkut pisussanngortinneqarmat piareersarnerup sivi-sussusiata sivikillineqarsimanera pissutigalugu Suleqatigiit Misigisassarsior-titsisut piareersarnermut piffissamik atuingaatsiarput. Tamanna isumaqarpoq Unnuk Kulturisior-titsinissaq suliarineqarmat piareersarnerit qaleriilernerisa kingunerisaanik Suleqatigiit Misigisassarsior-titsisunut naleqqutinngitsaq.

Atuakkialerinermi paasis-sutissanik ingerlatitseqqi-neq

Ukioq manna Suleqatigiit Misigisassarsior-titsisut atuakkialerinermi paasis-sutissanik ingerlatitseqqiisar-neq pingaartinneruaat Facebookikkullu sapaatip akunneranut atuakkap ungaluanik saqqummersitsisar-neq aallartillugu. Atuarusussusermik pilersitsinissaq siunertaralugu atuakkat ungaluinik takoqqusaaraluta qitiutitaqarpugut.

Atuakkialerinermi paasis-sutissanik ingerlati-seqqiinerup ilaattut arnat nunarsuaq tamak-kerlugu ulloqartinneqarnerannut atatillugu arnanut tunngasunik sammisanik oqimaatsunik qitiutitaqarpugut, arnanut oqimaassinnaasunik sammisanik immikkut ittumik qppersagaara-liorluta, soorlu aaqartarunnaalerner-mut, naartuner-mut, endometriosimut, imminut ajoquserner-mut neriumajunnaarner-millu nappaateqarner-mut tunngasunik. Aamma sammisanut taakkununnga tunngasunik atuagaateqarfimmi inimi tamanut ammatitami atuakkanik takutitsisoqarpoq. Taakkununnga attuumassutilimmik Suleqatigiit Misigisassar-sior-titsisut atuisunut akeqanngitsunik eqqilu-isaarner-mut tunngasunik akeqanngitsumik suliniuteqarnertik nuannarineqarnerpaasoq aallartippaat. Kingusinnerusuk-kut aqutsisut atuisunut ataavartumik neqerooruteqartalerni-samik aalajangiipput.

Eqqiluisaarner-mut tunngasunut automati-mik parnaartakkamik ineriartortitsisimasoq suliffeqarfik Herbox svenskin-it pigineqartoq suleqatigalugu eqqiluisaarner-mut tunngasunik neqerooruteqarsinnaarner-mut atasumik suleqa-tigisimavarput, taamaalilluni atuisut sualuppalaamik eqqanaarsarnissaat killilersimaar-neqar-sinnaassammat.

TEAM NUNARPUT

Nunarsuaq tamakkerlugu atuakkat ulluanni apriliip 23-anni nunarsuarmi atuakkianut tunngasunik paasisutissanik ingerlatitseqqiinermut atatillugu allagartaliorpugut atuakkat qanganitsat aqqi 100-t sorliit inunnit atuarneqarsimanersut krydsilerfissalerlugit suliaralugu. Suleqatigiit Misigisassarsiorititsisut Suleqatigiit Nunarput suleqatigalugit atuakkanik kalaallisuunik, qallunaatuunik tuluttuumillu ataatsimik toqqaallu arput. Ilutigalugu atuakkat aqqi 100-t tamarmik tamanut takuneqarsinnaasunngorlugit saqqum-merpagut. Atuarusussuseq siuarsarniarlugu taanna suliniutaavoq. Allagartat nuannarineqarluput. Eksemplarit anillatsinnikuusagut 50-it tamarmik tiguneqarput.



Atuakkat pillugit paasisutissanik ingerlatitseqqiineq

Sapaatip akunnikkaartumik atuakkap ungaluanik allagarsiineq.

Sapaatip akunnikkaartumik atuakkanik nutaanik Facebookikkut allagarsiineq.

Januaari	Januaariip 27-anni 2023-mi nunarsuaq tamakkerlugu Auschwitzimik ulloqartitsineq
Februaari	Februaariip 14-anni asanninnerup ulloqartitsineq
Marsi	Ananut tunngasut sammisat oqimaatsut
Aprili	Suleqatigiit Kiffartuussisut aqqissuisoralugit atuakkat påskimut tunngasut Apriliip 23-anni nunarsuaq tamakkerlugu atuakkat ulluanni atuakkat qanganitsat 100-t Atuakkat nuersaanermut tunngasut
Maaji	Sulisartut ulluat
Juuni	Atuakkat nutaat manga-mut tunngasut Nunarsuaq tamakkerlugu arnat atuakkiortut taalliaat
Juuli	Juulip 14-anni Bastillet ulluanni franskit atuakkiat
Oktoberari	Moses Olsenip atuakkiaanik malunnartitsineq
Novembari	Suleqatigiit Kiffartuussisut aqqissuisoralugit atuakkat juullimut tunngasut
Decembari	Suleqatigiit Kiffartuussisut aqqissuisoralugit atuakkat juullimut tunngasut

TEAM NUNARPUT

2023-mi aaqqissuussat

Ilitsoqqussaralugu oqaatsit ulluanni februaarip 21-anni pisumi Nunatta Atuagaateqarfiata aaqqissuussaani kalaallisut oqaatsit atorlugit ingerlanneqartumi Team Nunarput ingerlatsisuuvoq.

Aaqqissuussaq qulequtaqartinneqarpoq "Nunatsinni qanga inuuneq", Aggooraq Lynge aamma Nikolaj Heinrich qanga pisartunik quianartunik oqaluttuartinneqarlutik. Aaqqissuussaq ornigarneqarluarpoq.

Ullormi tassani KNR-Radiop aallakaatittagaani Nunatta Nipaani pisussaq pillugu Nunatta Atuagaateqarfia apersorneqarpoq.

Nunatta Atuagaateqarfiata ukiumoorutunuk atuakkiortunuk malunnartitsisarnera oktobarip 25-anni 2023-mi ingerlanneqarpoq. Malunnartinneqarluni 85-inik ukioqalersussaagaluartoq taallortoq politikkeri Moses Olsen (1938-2008). Moses Olsenimut kinguaajusut, ikinngutaasut suleqatigisimasaalu Moses Olsen pillugu saqqummiussipput. Taalliaaniq atuaasoqarpoq taalliaaniillu erinartalinnik nipilersorluni akunni-liisoqartarluni.

Malunnartitsinermut atatillugu oktobarip qaammataani Moses Olsen pillugu saqqummersitsisoqarpoq, saqqummersinneqarlutik Moses Olse-

nip taalliai, allagai, pigisai, nersornaatai assillu. Moses Olsenip panii suleqatiginerisigut saqqummersitsineq piviusunngortinneqarpoq.

Filmeeraq Moses Olsenip Danmarks Radiomit apersorneqarneranik imaqartuq saqqummersitsinermut ilaatillugu sarsuatinneqarpoq.

Malunnartitsinermut orniguttoqarluarpoq. Malunnartitsinermut atatillugu Moses Olsenip pania ikinngutaalu KNR-TV-p aallakaatittagaani Illermi oktobarip 24-anni apersorneqarput.

Oktobarip 25-anni KNR-Radiop ul-laakkut aallakaatittagaani Nunatta Nipaani Moses Olsenip panii apersorneqarput.

Moses Olsenip malunnartinneqarneranut atasumik Sermitsiaq/AG allaatigisaqarpoq.

Atuakkanik kalaallisuunik nutaanik Nunatta Atuagaateqarfia pisisarnera

Amerlassusiileeriaatsit aalajangersimasut atorineqarput atuakkat pisiarineqartut sinerissamut illoqarfinnut nunaqarfinnullu atuakkanik atorniartarfilinnut Nunatta Atuagaateqarfianullu agguassorneqartarmata.

Atuakkat pisiarineqartut sinneruttut Nunatta Atuagaateqarfia toqqorsivianut ilineqartarput sinerissami atuagaateqarfinnit pisiarineqarsinnaasunngortarlutik.

TEAM NUNARPUT

Atuakkat meeqqanut atuakkiat 95-it inersimasunullu atuakkiat 85-it pisiarineqartarput.

Lagerliste

Najoqqutassat malillugit kalaallisut atuakkanik pisiniarnermi qassit pigineqassanersut aalajangersagaareemat qassit pisiarineqassanersut aalajangersagaareerput. Najoqqutassat malillugit Nunatta Atuagaateqarfiani atuagaq ataaseq pingasunngorlugu atorniagassaatigineqartussaavoq, Nunatta Atuagaateqarfiatalu katersugaatinut toqqorsiviani pingasunngorlugu atorni-

agassatut pigineqartussaalluni.

Nunatta Atuagaateqarfiani kalaallisut atuakkat naammattumik pigineqarnersut atuagarlu ataaseq qassinngorlugu Nunatta Atuagaateqarfianiittuutigineqarnersoq kisitsisoqarpoq.

Kisitsineq piareemat kalaallisut atuakkat amigaataasut nalunaarsorneqarput. Kalaallisut atuakkat lagerlistimi pisiassaatigineqartut Nunatta Atuagaateqarfianili atugassatut amigatigineqartut Nunatta Atuagaateqarfiani atorineqarsinnaasunngortinneqartussatut nuutsinneqartussat allattorneqarput.



TEAM NUNARPUT**Atuagaateqarfimmiit-tuutisiaqartitsineq**

2023-mut Inatsisartut aningaasanut inatsisaanni atuagaateqarfimmiit-tuuteqarnermut akissarsiassanut aningaasaliissutit 1.170.000 koruuniupput. Tassa imaappoq: ukiup siuliani 2022-mi atuagaateqarfimmiittuuteqarnermut akissarsiassanut aningaasaliis-sutaasut assigai.

2023-mi atuagaateqarfimmiittuutisiaqarusullutik qinnuteqarsimasut katillutik 75-iupput.

artortinneqarnissaanut periarfissaasinnaasunut tunngassuteqartut.

Sinerissami atuakkanik atorniartarfinni sulisut pikkorissaanermut matumunnga peqataasut atuakkanik atorniatarfiksik pillugu saqqummiipput.

Nunatta Atuagaateqarfiata immikkoortortaqarfii suliassaqarfistik pillugit saqqummiipput.

Pikkorissarneq naggaserlugu siunissami atuagaateqarfik nutaaliaq qanoq ittoq takorlorneqarsinnaanersoq eqqartorneqarluni oqallittoqarpoq.

Atuagaateqarnikkut nunanik avannarlernik suleqateqarneq

Februaarip qaammataani nunani avannarlerni meeqqanut atuakkia pillugit ataatsimeersuarnermi Stavangerimi Norgemi pisumi Team Nunarput peqataatitaqartitsivoq.

Ataatsimeersuarnermi meeqqanut inuusuttunullu atuakkia nunani avannarlernerisut qititinneqarput. Ataatsimeersuarnermi "ajornartorneq" (krise) qulequtaritinneqarpoq . Tassani workshopit assigiinngitsut 32-t orninneqarsinnaasutut pilersaarummiipput. Nunat avannarlerni atuakkia meeqqanoortut assigiinngitsut, qaraasiakkut oqaasileraluni pinnguaatit, nutserisarnerit, meeqqat ajornartorsiuteqartarneranut tunngasunut atuakkia, meeqqat atuakkior-nissamut ilinniartinneqartarnerat, inuusuttut suut atuarusuttarneraat, atuakkat isikkui qanoq ittut soqutigineqarnerusarnerat meeqqanillu atuffassinermi qanoq tiguaasinnaanersut eqqartorneqartut ilagaat.

Innuttaasunut atuakkanik atorniartarfinni sulisut Teams aqqutigalugu pikkorissartinneqarnerat

Nittartakkakkut pikkorissaaneq Nunatta Atuagaateqarfiata aqqissuussaa sap.ak. 17-imi, apriliip 25-anniit apriliip 26-at ilanngullugu ingerlanneqarpoq .

Atuakkanik atorniartarfiit peqataasut katillutik 15-iupput, tassa imaappoq: Illoqarfiit 15-it nittartakkatigoorlugu pikkorissaanermi peqataapput. Nunaqarfik Kullorsuaq Upernaviup pigisaaniittoq nittartakkakkut pikkorissaanermi peqataavoq Upernaviup atuakkanik atorniartarfiat atajunnaarsimanera pequtaalluni.

Pikkorissartitsinermit ulluni marlunni ingerlanneqartumi ilaatigut sammineqarput Nunatta Atuagaateqarfianut kalaallisut atuakkanik pisisinnaaneq, ukiumoortumik nalunaarusiortarnermut ilitsersuutit, atuakkanik atorniartarfik qanoq atorneqarsinnaaneranik atuagaateqarfiullu ineri-

TEAM GROENLANDICA

Groenlandica

Groenlandicap nunarput inuilu pillugit atuagaateqarfiusup nunatsinni saqqummersinneqarsimasunik imaluunniit kalaallisut saqqummersitanik apeqqutaatinnagu sumi nunami saqqummersinneqarsimanersunik katersineq, nalunaarsuineq kinguaassatsinnullu piujuaannartitsineq pingaarnertut suliassarivai.

Nunap inuisalu eriagisassatut katersugaa-taannut tunniussisussaataaneq aqutigalugu ilisimatusarnermullu tunngasunik katersilluni pisiniarnikkut katersineq ingerlanneqartarpoq. Saqqummersimasut tamanit ujarneqarsinnaangortinniarlugit nalunaarsuineq ingerlanneqartarpoq ininilu ikuallattoornissamut isumannaallisakkani marluusuni immikkoortillugit kinguaassatsinnut piujuaannartussangortinniarlugit inissinneqartarlutik.

Tunniussisussaataaneq

Atuagaateqarfiit pillugit Inatsisartut inatsisaat nr. 8, juunip 8-anni 2014-imeersoq §21 mallilugu atuakkanik, aviisinik, atuagassianik, ukiumoortumik nalunaarusianik kiisalu cd-rominik, videonik, dvd-nik naalaagassanik saqqummiunneqartussanik naammassillugit suliaqartut saqqummiussaminnik pingasunngorlugit kinguaassatsinnut piujuaannartussangortitassanik nunap inuisalu eriagisassatut katersugaa-taannut tunniussisussaapput. Tunniussisussaataasup – saqqummersitsisarfiup, suliffeqarfiup inuillu ataasiakkaat – nunatsinni saqqummersinneqarsimasut tamarmik akeqanngitsumik pingasunngorlugit Groenlandicamut nassiut-tussaavaat imaluunniit tunniukkiartortussaallugit. Tunniunneqartussaataasut pingasut

tamarmik annillugit atorneqartussanngitsutut inissinneqassapput, nunap inuisalu eriagisassatut katersugaa-taannullu toqqorneqassallutik.

Tunniussisussaataasup pisussaaffini tamati-gut ilisimaneq ajorpaa taamaattumillu taamatut pisoqartillugu tunniussinngitsoortoqartarpoq, Groenlandicalu nammineq saqqummersitsisunut saaffiginnittariaqartarpoq, tunniussisussaataanerlu pillugu paasisitsisarlu. Saqqummersitat sisamat tunniunneqartussaataagaluartut tunniunneqarsimanngillat, naak saqqummersitsisut arlaleriarlutik paasi-tinneqarlutillu nukingisaarneqarsimagaluartut. Taamaattumillu Groenlandica nunatsinni saqqummersitseqqammersunik saqqummersitsereersimasunillu ujartuinnermut saaffiginninnermullu piffissamik atuingaatsiartarpoq.

Soorunalimi Groenlandica suliffeqarfiit naqiterititsisarfiillu nittartagaannik, nutaarsiassaliaannik assigisaannillu suli nakkutiginnissaaq, soorlu dansk bogfortegnelsep grønlandsk bogfortegnelsellu sapaatip akunneranut allattuiffiinik nutaarsiassaqartitsivinnillu saqqummersinneqarsimasunik nutaanik ussassaarikulasunik misissuisassalluni.

2023-mi Groenlandica katillugu 130-nik nutaanik saqqummersinneqarsimasunik tunniunneqartussaataasunik pissarsivoq. 2023-mi tunniunneqartussaataasut suussusii Groenlandicap pissarsiarisimasai tassaapput atuakkat 68-it, quppersagaaqqat 28-t, ukiumoortumik nalunaarutit 11-t, atuagassiat 10-nik, atuakkat assiliartallit 5-it, plakatit 4-t, aviisit 3-t tegneseriallu ataatsit.

Groenlandica Det Kongelige Bibliotekilu taarti-giinnissamik isumaqatigiissuteqarput Det Kon-

gelige Bibliotekimi naqitaaqqanik kalaallisut allaqqasunik tunniussisoqarsimatillugu Groenlandicamut tunniussisassasoq. Isumaqatigiisut tip ilusilereernerata kingorna Groenlandica maannamut karsinik marlunnik naqitaaqqanik imalinnik tigusaqarsimalerpoq. Suleqaterput naqitaaqqat qitiutillugit Det Kongelige Bibliotekimiinnikuvoq. Misissuereernerit arlallit kingorna naqitaaqqat malunnartumik Groenlandicami amigaatigineqavinnigitsutut naliler-

neqarput.

Suliniut tunniussisussaataaneq aallartinneqarpoq. Quppersagaaqqat aamma plakatit filmiiallu nutaanik allallugillu ilusilersukkat suliffeqarfik ussasaarineramik suliaqartartoq suleqatigalugu suliarineqalerput. Groenlandicap ujaasilluni suliaqarnissaanut taarsiullugu Kalaallit Nunaanni saqqummersitsisimasut tamarmik namminneq saqqummersitaminnik tunniussisalernissaat siunertaavoq.



TEAM GROENLANDICA

Atuakkanik pisineq

Groenlandica tunniunneqartussaataitaasut saniatigut ataatsimik atorniarneqarsinnaasunik pisisarpoq. Erseqqissaatigeqqissavarput tunniunneqartussaataitaasut tamarmik atugasanngortinneqarneq ajormata.


Kalaallit Nunaata avataani kalaallisut allaqqa-sunik atuakkanik saqqummersitsisoqaraangat Groenlandicap aamma sisamanngorlugit pissarsiarisarpai. Pingasut nunap inuisalu eriagisassatut katersugaataannut ilineqartarput ataaserlu atorniagassanngortinneqartarluni.

Katersat ilisimatusarnermut tunngasut Kalaallit Nunaannut nunanullu issittunut tunngasuusarput. Groenlandicap toqqaanermi tunngavigisaa aallaavigalugu toqqaasoqartarpoq, saqqum-

mersitat ilisimatusarnermik qaffasissuseqar-nissaannik piunasaqaateqarlutik.

Immikkut ittumik katersugaatit

Juuli-aggustimi matoqqanitsinni immikkut ittunik katersugaatinik nikisitite-rivugut. Immikkut ittumik katersugaatit inissisimaneerit allanngorput, taamaalillu-ni katersugaatit inuit ukioq inunngorsi-manerat malillugu tullerriaarneqalersil-lugit.



TEAM GROENLANDICA

Paasissutissanik nalunaarsuineq

Groenlandica paasissutissanik nalunaarsuineri kisitsisilerlugit naatsorsuisarpoq, nalunaarsuinerit tamaasa allattortarlugit, nammineq nalunaarsukkatut, DK5 atorlugu allamut inissisimaffilerlugu aamma/imaluunniit ujarliutinik nalunaarsukkallu imarisaanik nassuaatinik kalaallisoortunik ilanngussinikkut. Sulisut paasissutissanik nalunaarsoriikkanik pisoqaanerusunik kukkuneqangaatsiartunik aamma iluarsaassisarput. Pisoqaanerusat nalunaarsoriikkat kukkunillit aqqittariaqartut amerlammata kukkusut aqqissorneri ukioq 2000-imi kingumut killigalugu suliarineqalerput. Inatsit malillugu Groenlandica saqqummersimanik assigiinngitsunik tamanik katersinissaminik nalunaarsuinissaminillu pisussaaffeqarpoq. Sulisunik amigaateqarnek pissutigalugu ukiunut siuliinut sanilliullugu nalunaarsukkat ikinnerusut nalunaarsorneqarsimapput, nalunaarsukkanut nutaanut aamma pisoqaanerusat Groenlandicap toqqorsivianiittut suliarineqartartut immikkoortiterneqarnikuunngitsut ilanngunneqarmata.

2023-mi nalunaarsuinerit 140-t nalunaarsorneqarsimapput, taakkunannga nalunaarsukkat 39-t paasissutissanik amerlanerusunik immer-suiffiusimallutik. Nalunaarsorneqarsimasut saniatigut ingerlaavartumik kukkunimineeqqat amigaatillu nalunaarsorsimasani pisoqaanerusunik nassaarineqaraangamik "naqqiuteqarfineqartarput".

Suliffeqarfiup iluani nalunaarsuinerimut tunngasumik atuagaatilerisunut pikkorissaavugut. Sulisut nutaat nalunaarsuineri kukkunersiullutik ikiuuttussaapput.

Maluginiaratsigu nalunaarsuinerimut pikkoris-

sartitsisariaqarluta sinerissami atuagaatilerisunut nalunaarsuinerimik ilitsersuut aallartineqarpoq. Ilitsersuusiorpugut sinerissamilu atuagaateqarfimmi ataatsimi misilerarneqarpoq. Webinarertitsinitsinnili paasivarput sinerissami atuagaateqarfimmi atuagaatilerisut suliasanut piginnaasaasa qaffasissusii annertuumik assigiinngissuteqartut. 2023-mi ukiakkut aalajangerpugut sinerissami atuagaateqarfimmut tunngasut paasissutissat pingaaruteqartut Team Nunarpukkunnit Team Service suleqatigalugu katersorneqassasut. Groenlandicap ilitsersuummik suliaqarnini 2024-mi nangissavaa.

Oqaatsinik ujarliutinik nutserineq

Ukiuni arlaqalersuni oqaatsinik ujarliutinik misissuilluni nutserinermik suliaqarnerujartor-simaneq suli maanna ingerlanneqarpoq.

2023-mi februaarimi oqaatsinik ujarliutit nutserneqarneri Oqaasileriffik suleqatigalugu sukumiisumik ullut arlallit atorlugit misissoqqissaarneqarput. Oqaatsinik allattukkat nutserneqarsimasut ukiut ingerlanerini misissoqqissaarneqartarlutillu nalileqqinneqartarput. Nunatta Atuagaateqarfia / Groenlandica Oqaasileriffillu suliarisanik suliallu ingerlanneqartarnerannik imminnut paasissutisseeqatigiillutik naapinnertik aallartippaat. Oqaasileriffik Oqaasileriffimmi suleriaasitoqqap nutaamik taarserneqarsimaneranut allannguisoqarsimananullu tunngasunik paasissutissiivoq.

Groenlandica siornatigut qanoq suleqatigiit-toqarsimaneranik ilisimatitsivoq. Paasissutisseeqatigiinneq ingerlanneqareermat qanoq suleriaaseqarluni ingerlasoqarnissaa paaseqatigiinnikkut inissinneqarpoq. Alloriarnermi siullermi Oqaasileriffiup oqaatsinik ujarliutit

TEAM GROENLANDICA

nalileqqinneqarnerini akuerisassanngortinnissaannut eqqortumik nutserneqarnissai isumagivai. Tamatuma kingorna nutsikkat Oqaasileriffimmit nalileqqinneqarput immaqalu nutaanik taaguuserneqarlutik. Alloriarnermi kingullermi oqaatsit oqaasiliortunut nassiunneqarlutillu nutseqqitassanngortinneqarput.

Oqaatsinik ujarliutit misissorneqarlutik suliarineqarneri naammassippata Oqaasileriffiup nittartagaatigoortinneqarnissai isumaqatigiisuteqarfigineqarput. Oqaasileriffiup taaguutinik katersaataanni "Nunatta Atuagaateqarfiani taaguusersuutit"-nik taallugit takuneqarsinnaangussapput. Oqaatsit nutaatut nutsikkat oqaatsinik ujarliutini 156-inik nutaanik ilaneqarnerinik kinguneqartitsisussaassapput.

Groenlandicap oqaatsinik ujarliutinik nutaanik taaguusigassanik Oqaasileriffimmut nassiusisarnissani ingerlatiinnassavaa.



Saqqummersitat anninngit takuneqarsinnaasut

Nunap inuisalu eriagisassatut katersugaatai annillugit atorniarneqarsinnaanngitsut takuniaraanni atuisunut sulisunullu immersuiffiusartussa 2022-mi naammassineqarpoq. Nunap inuisalu eriagisassatut katersugaatai sinaakusersuiffiginikuuvagut, soorlu Groenlandicami sulisut kisimik aallerfigisinnaasai passussinnaasaalu.

2023-p ingerlanerani atuisut 9-t tamaani nunatta inuisalu eriagisassatut katersugaataannik atuiniartut nalunaarsorsimavagut. Atuisut 9-t qulequttanik arlalinnik imaluunniit qulequttanik ukiunut arlalinnoortunik periarfisarititami pineqartumi atuiniarsimapput.

Aviisit atuagassiallu

(periodika)

Periodikamiittut tassaasinnaapput aviisit, illoqarfimmi aviisit, atuagassiat, partiit aviisii, peqatigiiffiit aviisii ukiumoortumillu nalunaarutit. Groenlandicap iluani eksemplarunik isumaginnilluni pilersaarusiortarnermut tunngasumik isumasioqatigiisitsivugut. Periodikat pigisagut normut ataasiakkaajunersut ukiukkaarlugilluunniit ungaluligaanersut sinaakusersornissai eqqartorpavut. Ungalullit tarmmik utaqqiisaasumik inissinneqarnikuusut ataatsimoortinneqarlutillu ilisivinnut ilineqarnikuupput. Ataatsimik normullit immikkoortinneqarput syreqanngitsumullu karsimut ataatsimoortinneqarlutik poortorneqarput allamullu ilineqarlutik.

Suliniut nunatsinni aviisinik, illoqarfiup aviisii-nik atuagassianillu poortuilluni karsinut syreqanngitsunut ataatsimoortillugit ilioraaneq aallartipparput.

TEAM GROENLANDICA

Periodikami nalunaarsukkat qanoq iluarsaan-neqartarnerinut tunngasumik atuagaateqar-finnut atugassamik ilitsersuusiorpugut, soorlu aamma Groenlandica paasissutissanik allan-guigaangat paasissutissanik nassiussisar-nermut tunngasumik.

Kristian Olsen Aajup katersugaatai

2015-ip ingerlanerani Groenlandi-ca Kristian Olsenip Aajup pigisaanik atuakkanik, pappiaqqanik inuttullu pi-gisaanik tigusaqarpoq. Kristian Olsenip Aajup pigisai sapinngisamik ataatsimo-ortinneqassasut ilaqutaanit kissaatigi-neqarpoq. Soorlu Allagaateqarfimmut allamulluunniit assingusumut pigisai tunniunneqassagaluarpata ilaqutai apereqqaarneqassasut isumaqatigiis-suteqarfigineqarput. Inuttut privatimik pigisai soorlu ullorsiutai, inunnik ataa-siakkaanik allaqateqarsimaneri allar-passuillu Groenlandicap suliassa qarfi-ginngisai ilaqutaasa suleqatiginerisigut Allagaateqarfimmut tunniunneqarput. Kristian Olsenip Aajup atuagaataanut atuakkanullu saqqummersissimasaa-nut assaannarmik allattugai allanullu pisortatigoortumik saqqummiussimasai Groenlandicamit toqqortaatineqarlutik kinguaassatsinnut piujuaannartussan-gortinneqarput.

Atuakkat pigisat misissorneqarneri

Atuagaateqarfimmi ini tamanut ammatitaaq atuakkanik, atuagassianik allanillu issittumut attuumassutilinnik ilisimatusarnermut tunngasu-nik amerlasuunik imaqarpoq aamma sammis-anik inuiaqatigiinnut kalaallinut pingaarutilin-nut tunngasunik imaqarluni.

Nunap inuisalu eriagisassatut katersugaataa-sa ator neqarsinnaanngitsut assinginik ataatsi-mik ator neqarsinnaasumik aammattaaq peqar-tarpoq (Groenlandicamit pisiarineqartut). Atua-gaateqarfimmi inimi tamanut ammatitami pigi-sat 2023-p aallartinnerani iluarsaanneqalerput, toqqaanermi tunngavigisat aallaavigineqarlutik.

Groenlandicap toqqorsiviani pigisanik iluar-saassinerit 2023-mi ingerlanneqarput.

2023-mi Unnuk Kulturisiorfik

Ataatsimoortumik qulequtaqarluni Ilisimatu-sarfik Allagaateqarfillu peqatigalugit Unnuk Kulturisiorfik ingerlanneqarpoq. Inatsit tunn-gaviusoq 1953-imeersoq sammisatut qule-qutarineqarpoq. Groenlandicap atuakkamik saqqummersitsinermini qulequtarivaa: Inatsit tunngaviusoq juunip 5-anni 1953-imeersoq. Inatsit tunngaviusumut tunngasumik najoqqu-tat allattorsimaffiannik quppersagaliorpugut.

Ilisimatusarfik quizimik suliaqartoq suleqati-galugu Groenlandica atuakkanik 4-nik tunis-suteqarluni eqqugassa qartitsivoq.

Groenlandica suut aviisit illoqarfimmillu aviisit Kalaallit Nunaanneersut www.aviisitoqqat.gl - imi ilaanersut pillugit visitkortitut angissusilim-mik paasissutissanik suliaqarpoq.

TEAM GROENLANDICA

Atuakkanik naliliinerit nittartakkamilu ujaasiffissiaq


Nunatta Atuagaateqarfiata atuakkiortumut Kristian Olsen, Aajumut imissutai atuakkianik naliliinerit nittartakkatsinni atuisunit takuneqarsinnaapput. Kalaallisut atuakkat takorluukkiat atuakkallu aalajangersimasunut tunngasut 1978-imiit 1992-imut imarai.

Atuagassiaq Kalaalermi atuakkanik saqqummersimasunik naliliinerit Nunatta Atuagaateqarfiata pisiaralugit piginnittussaaffigilernikuuai. Atuakkanik saqqummersimasunik naliliinerit amerlanersaat Hans Anthon Lyngemit suliarineqarsimapput. Kalaallisut atuakkat takorluukkiat atuakkallu aalajangersimasunut tunngasut 2003-miit 2013-mut imarai.

Atuagassiaq Kalaalermi ukiuni 1981-imiit 2018-imut saqqummersimasunut ujaasiffissiaq nittartakkami atuisunit takuneqarsinnaavoq. Ukiuni 1981-imiit 2018-imut saqqummersinneqarsimasut iluini oqaatsinik inuilluunniit aqqinik ujarlersinnaavutit.

Inoqatinut attaveqaatit

Facebook nittartagarpullu kiffartuussinermi ilisimatitsissutitut ammasarfiillu allannngortittarnerinut pingaarnertut atornerqartarput. Pisuni marlunni sila pissutigalugu matoqqanermik paasissutissiisoqarpoq. Ukiup ingerlanerani Moses Olsenip atuakkiaanik saqqummersitsinermut Facebook atornerqarpoq. Groenlandica isumaqarpoq oktobarip qaammataani Ilimmarfiup atuagaateqarfiani atuakkanik saqqummersitsineq Nunatta Atuagaateqarfiani Moses Olsenip atuakkiortutut malunnartitsineranik soqutiginninnermut iluaqutaasoq. Atuakkanik saqqummersitsinerup Groenlandicap taamaallaat pigisaanik nittarsaassinermik kinguneqarpoq. Moses Olsenip atuakkiaanik Facebookik-kut takutitsineq aallunneqarpallaanngilaq, marluk kisimik likerisimallutik.



TEAM GROENLANDICA

Maluginiarsimavarput atuisutta atorsimasaat amerlasuut utertinneqarsimangitsut. Atuisut utertitsinissamik periarfissinniarlugit IIsimatusarfimmi utertitsinissamik periarfissiivugut. Intranet aqqutigalugu IIsimatusarfimmut attuumassuteqartunut ilisimatitsissummik nassius-sivugut, marlussunnillu tigusaqarluta.

2024-mi arkivreolimik pisinissaq siunertaammat 2023-p ingerlanerani katersat Eksemplar 2-t karsinut poortorneqarput. Allat utaqqiisaasumik Usisaatikkunnut inissinneqarallarput.

2023-p ingerlanerani IIsimatusarfik suleqatigalugu Nuummi Nuullu avataani meeqqat atuarianni atuartunut atuagaateqarfik pillugu paasissutissiineq aaqqissuunneqarpoq.

Groenlandicami sulisut marluk Nunatta Atuagaateqarfiata pisortaa peqatigalugu, kulturpolitikerit allat assinganillu suliaqaqatit peqatigalugit ataatsimeersuarnermut Det Bibliotekspolitiske topmødemut peqataapput. Oqallissaarummik saqqummiisoqarpoq, ilisimasaniq paarlaasseqatigiittoqarluni, oqallittoqarluni, siulersuisoqatigiinnik nutaanik qinersisoqarluni allarpassuarnillu aamma pisoqarluni. Naapeqatigiillutalu suleqatigisat allat naapippagut.

Team Nunarput sinerissami atuagaateqarfinnik webinarertitsineranni tunniussisussaataaneq, Groenlandicap digitalimik neqeroorutai kalaallisullu oqaatsinik ujarliutit qitiutillugit saqqummiivugut.

Ilimmarfiup Atuagaateqarfiani automatimik imminut kiffartuussissummik nutaamik peqalerpoq.

Ilinniarnertuutut ikiortimik nutaamik aprilimi sulilertoqarpoq atuagaatilerisumillu nutaamik maajip aallaqqaataani atorfinittoqarluni.

Juullikkut ukiortaallu akornanni Groenlandicap aviisinik atuagassianillu suliaqarlunilu iluarsaas-

sinerani atuagaateqarfik atuisunut matoqqatinneqarpoq.

Sila pissutigalugu februaarip 28-anni aamma decembarip 11-anni matoqqavoq.

Sulisunik ulloqartitsineq pissutigalugu oktobarip 27-anni matoqqavoq.

Aasaanerani juulip 3-annit aggustip 25-annut matoqqavoq.

2023-MI NUNATTA ATUAGAATEQARFIATA ASSIISIVIA

